

## IN MEMORIAM MARAŠEKU JAROMIRU

Dana 22. septembra 1967. godine, nakon duže bolesti, umoro je u Sarajevu Marašek Jaromir, geodeta i jedan od pionira katastarske službe u Bosni i Hercegovini.

Jaromir Marašek rodio se 9. marta 1886. g. u Karlovcu, a tehničku školu završio je 1909. godine u Sarajevu.

Gotovo 50 godina Marašek Jaromir radio je u službi katastra u Bosni i Hercegovini.

Odmah po završetku tehničke škole stupa u službu katastra u Sarajevu, a zatim službuje u mnogim mjestima Bosne i Hercegovine. Na njegove radove i sada nailazimo u Nevesinju, Gacku, Bileću, Trebinju, Foči, Gračanici kao i u drugim mjestima širom BiH. Svi njegovi radovi izvršavani su uvijek uredno i pedantno i mogu služiti kao primjer stručnog i savjesnog rada.

Poslije oslobođenja kada je trebalo obnoviti katastarsku službu u SRBIH pošto je katastar, usljed ratnog pustošenja, bio djelimično uništen i dezorganizovan Jaromir Marašek nastavlja sa radom u republičkoj Geodetskoj upravi gdje je sa svojim iskustvom i radom mnogo doprinio na pripremanju raznih uputstava za obnovu katastra i obuku novih mladih kadrova u BiH.

U službi katastra ostao je punih 43 g. a nakon toga je otišao u zasluženu mirovinu. I kao penzioner nastavio je da radi, ne iz neke materijalne koristi već zato što Marašek Jaromir nije mogao bez rada gdje je nalazio zadovoljstvo što ga je održavalo i osvježavalo. U kontaktu sa mladjim kolegama bio je pristupačan i uvijek spreman da pomogne.

Smrcu Jaromira Marašeka geodetski stručnjaci u BiH gube iz svoje sredine najstarijeg kolegu, pionira katastarske službe u BiH, koji će im ostati u dugom sjećanju kao vrlo savjesnog i pedantnog službenika, odličnog stručnjaka, veselog i druželjubivog kolege koji je živio i radio za geodetsku struku i službu.

Neka je slava pokojnom kolegi Jaromiru Marašeku.

A.A.